

INUIT ATAQATIGIIT INATSISARTUNI



UKA2021/035

Oktobarip 27-at 2021

Mariia Simonsen

Innarluutilinnik sullissisutut atorfillit ilinniagaqarnissaat, ilinniaqqittarnissaat pikkorissartarnissaallu pillugu nuna tamakkerlugu periusissior-nissamut iliuusissatullu pilersaarusionermik Naalackersuisut suli-aqaqqullugit Inatsisartut aalajangiiffigisassaattut siunnersuut. Periu-sissiaq iliuusissatullu pilersaarut kingusinnerpaamik UKA2022 saqqum-miunneqassaaq, iliuserisassatullu siunniunneqartut qanoq naliler-sorneqartarnissaat pillugu pilersaarummik amma imaqassalluni.

(Inatsisartunut ilaasortaq Sofia Geisler, Inuit Ataqatigiit)

Innarluutilinnik sullissisutut ilinniarsimasut nunatsinni amigaataapput, innarluutilinnillu sullissivinni suliamik tamatuminnigarpiaq ilinniagaqarsimannikkaluarlutik sulisorpassuaqarpoq. Taakku sulinerat qujanaqaaq, nersugassaappullu immikkut ilinniarsimannikkaluarlutik sulinerammikkut ilikkariartorlutik innarluutilinnik sullissinermik piginnaangorsartaramik.

Taamaakkaluartooq innarluutilinnik sullissineq suli pitsangortinniarlugu sulisut piginnaanermikkut qaffassarnissaat anguniartariaqarparput, siunnersuullu manna tamatumunnga aqquataasinnaasoq neriuutigaarput.

Naalackersuisut akissutaasigut paasinarsivoq innarluutilinnik sullissisut ilinniagaqarnissaat, ilinniaqqittarnissaat pikkorissartarnissaallu innarluutillit pillugit periusissiamut massakkut suliarineqartumut ilanngunneqarumaartooq. Tamanna Inuit Ataqatigiinni ilalersinnaavarput.

2019-imi upernaakkut Inatsisartuni amerlanerussuteqartut akueraat innarluutillit pillugit nuna tamakkerlugu periusissior-toqassasoq, taannalu 2022-

INUIT ATAQATIGIIT INATSIARTUNI



mi upernaakkut saqqummiunneqassasoq. Upernassaq qinersisoqarnera pissutigalugu suliaq kinguarsimassasoq naatsorsuutigaarput, neriuutigarpullu aappaagu ukiakkut, 2022-mi, periusissiaq Inatsisartunut saqqummiunneqarsinnaajumaartoq.

Naalakkersuisut akissumminni oqaatigaattaaq innarluutilinnut periusissiaq aamma iliuusissanut pilersaarussiaq ima suliarineqartut innarluutilinnik sullissisut ilinniartitaanerisigut, ilinniaqqittarnerisigut pikkorissartarnerisigullu anguniakkat suliniutillu malinnaavigalugillu malitseqartinneqartassasut. Tamanna qulakkeerneqarsinnaappat innarluutilinnik sullissineq malunnaatilimmik siuarsarneqarsinnaalissaaq nunatsinni innarluutilinnit taakkulu ilaqutaannit iliuuseqartoqarnissaanik utaqqikatattunit pisariaqartinneqaqisumik.

Taama oqaaseqarluta siunnersuutip ataatsimiititaliamut attuumassuteqartumut ingerlaqqinnissaa innersuussutigaarput.